

Møteprotokoll

Utvalg: Nasjonalparkstyret for Jotunheimen og Utladalen
Møtested: Gjendebu
Dato: 26.06.2013
Tidspunkt: 17:00

Følgende faste medlemmer møtte:

Navn	Funksjon	Representerer
Mai Bakken	LEDER	
Iselin Jonassen	MEDL	
Jørand Ødegaard Lunde	MEDL	

Følgende medlemmer hadde meldt forfall:

Navn	Funksjon	Representerer
Ivar Kvalen	NESTL	
Arild Ingar Lægreid	MEDL	
Vidar Eltun	MEDL	
Frida Melvær	MEDL	

Følgende varamedlemmer møtte:

Navn	Møtte for	Representerer
Aud Irene Hamre Rogn	Vidar Eltun	

Merknader

Marit Aakre Tennø, Marie Helene Brandsdal og Aleksander Øren Heen var kalla inn, men kunne ikkje møte som vara.

Fra administrasjonen møtte:

Navn	Stilling
Kari Sveen	Nasjonalparkforvaltar
Magnus Snøtun	Nasjonalparkforvaltar

Underskrift:

Vi bekrefter med underskriftene våre at det som er ført på de sidene vi har signert i møteboka, er i samsvar med det som ble vedtatt på møtet.

Saksliste

Utvals-saksnr	Innhald	Lukka	Arkiv-saksnr
ST 20/2013	Godkjenning av protokoll/innkalling		
ST 21/2013	Referatsaker		
RS	Rapport 2013 - Galdhøpiggenet		2011/3392
RS	DNT Oslo og Omegn - Planlagt dugnadsarbeid på rutenettet 2013 - Torfinnsbu-Gjendebu		2012/7848
RS	Jotunheimen nasjonalpark - Dispensasjon - Til Topps 2013 - Tur mot Galdhøpiggen - IMDI Integrerings- og mangfoldsdirektoratet - Norges Røde Kors		2013/3787
RS	Rapport – Distriktsøvelse 2013 Oppland Røde Kors hjelpekorps		2012/6517
ST 22/2013	Nasjonalparkstyret for Jotunheimen og Utladalen - Disponering av ekstra tiltaksmidler og frie tiltaksmidler 2013		2012/7019
ST 23/2013	Jotunheimen nasjonalpark - Dispensasjon motorferdsel - Bruk av helikopter til filmopptak - Jotunheimen Reiseliv AS		2013/4021
ST 24/2013	Jotunheimen nasjonalpark - Motorferdsel - 2013 - Persontransport til Fannaråken i samband med filminnspeling - NRK		2013/4141
ST 25/2013	Utladalen landskapsvernområde - Dispensasjon - 2013 - Etablering av midlertidig camp for filminnspelling - Monster Entertainment AS		2013/4142
ST 26/2013	Jotunheimen nasjonalpark - Dispensasjon - Motbakkeløpet Galdhøpiggen opp 2013 - Aktiv i Lom SA		2013/4017
ST 27/2013	Jotunheimen nasjonalpark - Dispensasjon motorferdsel - Bruk av båt med større motor på Gjende under Besseggenløpet - Vågå Røde Kors Hjelpekorps		2013/4089
ST 28/2013	Nasjonalparkstyret for Jotunheimen og Utladalen - Dispensasjon - 2013 - Etablering av basestasjon for nødnett på Galdhøe - Site Service AS		2012/3325
ST 29/2013	Jotunheimen nasjonalpark - Brune skilt til nasjonalparken		2013/4143

ST 20/2013 Godkjenning av protokoll/innkalling

Saksprotokoll i Nasjonalparkstyret for Jotunheimen og Utladalen - 26.06.2013

Vedtak

Protokoll frå møte 25.04.13 godkjent.

Iselin Jonassen og Aud Irene Hamre Rogn vart valde til å skrive under protokollen saman med leiar Mai Bakken.

ST 21/2013 Referatsaker

Saksprotokoll i Nasjonalparkstyret for Jotunheimen og Utladalen - 26.06.2013

Vedtak

Referatsakene er tekne til etterretning med desse merknadane:

- Arrangementet «Til topps 2013» er eit positivt arrangement. Nasjonalparkstyret ønskjer at nasjonalparkforvaltninga skal prøve å bidra og vere synlege ved seinare gjennomføringar.
- Rapport frå distriktsøving 2013 frå Oppland Røde Kors Hjelpekorps vart lagt fram som referatsak på møtet. Rapporten viste at gjennomføringa ikkje var i samsvar med omsøkt øvingsplan. Øvingsplanen var god og grundig og grunna tidspunktet for gjennomføring hadde truleg ikkje avviket nemneverdig påverknad på verneverdiane. Nasjonalparkstyret vil likevel understreke at tiltakshavar må følgje omsøkt plan og melde om eventuelle avvik.

Rapport 2013 - Galdhøpiggen 2011/3392

DNT Oslo og Omegn - Planlagt dugnadsarbeid på rutenettet 2013 - Torfinnsbu-Gjendebu 2012/7848

Jotunheimen nasjonalpark - Dispensasjon - Til Topps 2013 - Tur mot Galdhøpiggen - IMDI Integrerings- og mangfoldsdirektoratet - Norges Røde Kors 2013/3787

Rapport – Distriktsøvelse 2013 – Oppland Røde Kors hjelpekorps 2012/6517

ST 22/2013 Nasjonalparkstyret for Jotunheimen og Utladalen - Disponering av ekstra tiltaksmidler og frie tiltaksmidler 2013

Saksprotokoll i Nasjonalparkstyret for Jotunheimen og Utladalen - 26.06.2013

Vedtak

Nasjonalparkstyret for Jotunheimen og Utladalen er tildelt 300 000,- i ekstra tiltaksmidler for 2013. Styret er positiv til ekstra tildeling av midlar, men stiller seg undrande til prosessen, der prioriteringane i stor grad synest gjort utan medverknad frå styret.

Nasjonalparkstyret prioriterer å bruke midlane til følgjande tiltak:

40 000,-	Skjøtselstiltak Gjendebuområdet	Frå bestillingsdialogen 2013
50 000,-	Skjøtselstiltak Utladalen	Frå bestillingsdialogen 2013
25 000,-	Vedlikehaldsarbeid med stinettet	Frå bestillingsdialogen 2013
50 000,-	Nytt steinarbeid i stinettet	Frå bestillingsdialogen 2013
40 000,-	Informasjonsarbeid ved Utladalen Naturhus	Frå bestillingsdialogen 2013
50 000,-	Felles bruprosjekt Blåtjønnåe	Nytt prosjekt
45 000,-	Tilretteleggingstiltak på Skåri i Utladalen	Nytt prosjekt

Nasjonalparkstyret for Jotunheimen og Utladalen ønskjer å prioritere informasjonsarbeid og i mindre grad drifting. Nasjonalparkstyret er positiv til å utvikle informasjon som kan brukast av turistbedriftene i verneområdet. Informasjonen skal utformast slik at det kan brukast både trykt og digitalt. Nasjonalparkstyret ønskjer å fokusere på innfallsportane til verneområde fram mot neste bestillingsdialog.

Nasjonalparkstyret vil avsette dei resterande frie tiltaksmidlane på 140 000,- til informasjonstiltak (bildespill, turbrosjyre og arbeid med innfallsportane). 20 000,- skal haldast att til oktober i tilfelle uføresette tiltaksutgifter gjennom sommarsesongen.

Sekretariatet får fullmakt til å foreta mindre interne justeringar mellom tiltaka, i samråd med SNO, dersom det viser seg at ein kan få innsparingar på enkelte prosjekt og behov for noko ekstra på andre postar. Styret får oppdatering på status i første møte

ST 23/2013 Jotunheimen nasjonalpark - Dispensasjon motorferdsel - Bruk av helikopter til filmopptak - Jotunheimen Reiseliv AS

Saksprotokoll i Nasjonalparkstyret for Jotunheimen og Utladalen - 26.06.2013

Vedtak

Med heimel i naturmangfaldlova § 48 får Jotunheimen Reiseliv AS dispensasjon frå verneforskrift for Jotunheimen for bruk av helikopter i samband med filmopptak. Løyvet blir gjeve på følgjande vilkår:

- Løyvet gjeld for tidsrommet 16.-19. juli, men vert tilrådd gjennomført tidlegare om det let seg gjera.
- Filminga bør fortrinnsvis leggjast til vekedagane måndag-torsdag. Ved vanskelege værforhold kan fredag vera reservedag. Det er ikkje ønskjeleg med flyging i helg.
- Omfanget av landing med helikopter innan nasjonalparken må avgrensast til det som er strengt nødvendig for å gjennomføre gode opptak på ein effektiv måte. Landingsløyve gjeld for 2-3 lokalitetar som må avklarast med nasjonalparkforvaltar i samråd med SNO innan 10. juli. Dette for å sikre lokalisering som ikkje medfører skade på dyre- og fugleliv eller er til vesentleg sjenanse for andre brukarar av parken. Galdhøpiggen skal ikkje nyttast som landingspunkt, av omsyn til at det er mange som brukar dette turmålet i midten av juli, slik at landing her kan opplevast som vesentleg ulempe for andre brukarar.
- Statens naturoppsyn v/Rigmor Solem (tlf. 959 65 158) skal ha melding seinast dagen før gjennomføring.
- Filmopptaka som skal brukast i marknadsføring skal berre vise aktivitetar som kan utøvast i nasjonalparken. Helikopteret skal ikkje vera noko element i filmene
- Gjeldande verneforskrift for nasjonalparken har ikkje forbod mot lågtflyging, men det blir tilrådd å avgrense dette mest mogleg av omsyn til friluftsliv og dyreliv i området.

ST 24/2013 Jotunheimen nasjonalpark - Motorferdsel - 2013 - Persontransport til Fannaråken i samband med filminnspeling - NRK

Saksprotokoll i Nasjonalparkstyret for Jotunheimen og Utladalen - 26.06.2013

Vedtak

Nasjonalparkstyret for Jotunheimen og Utladalen gjev etter den generelle dispensasjonsregelen i Naturmangfaldslova §48 løyve til NRK sin Naturredaksjon å bruke helikopter for persontransport til Fannaråken i samband med formidling av historie knytt til den metrologiske målestasjonen der oppe. Løyvet er gjeve med følgjande vilkår:

- Løyvet gjeld for inntil 2 landingar på eigna stad på Fannaråken i august og september 2013.
- Seinast dagen før skal SNO v/Rigmor Solem (tlf. 959 65 158) varslast slik at SNO kan gje melding om det må takast spesielle omsyn, særleg villrein.
- Ein enkel rapport skal sendast til nasjonalparkforvaltar per mail innan 01. oktober.

ST 25/2013 Utladalen landskapsvernområde - Dispensasjon - 2013 - Etablering av midlertidig camp for filminnspelling - Monster Entertainment AS

Saksprotokoll i Nasjonalparkstyret for Jotunheimen og Utladalen - 26.06.2013

Vedtak

Nasjonalparkstyret for Jotunheimen og Utladalen gjev etter den generelle dispensasjonsregelen i Naturmangfaldslova §48 løyve til Monster Entertainment AS til å sette opp 2-3 mellombelse bygningar (naust/bodar/uthus) ved Våga på vestsida av Tyin. Løyvet er gjeve med følgjande vilkår:

- Bygningane skal ikkje settast opp før etter 19. august 2013 (skulestart) for å unngå hovudsesongen for turgåarar.
- Motorisert transport av personar og varer skal skje med båt over Tyin.
- Bygningane skal plasserast på bakken med minst mogleg terrengtilpassingar (flytte einskildsteinar o.l.).
- Påverknaden på området skal vere minst mogleg (slitasje, flytting av steinar o.l.).
- Alt som vert frakta inn, skal fraktast ut at (søppel, byggematerial o.l.).
- Når innspelinga er avslutta, skal området tilbakeførast slik det var. Dvs. steinar o.l. skal leggast på plass att. Opprydding og tilbakeføring av området skal godkjennast av nasjonalparkforvaltar eller naturoppsyn før tiltakshavar reiser frå området og seinast innan utgangen av oktober 2013.

ST 26/2013 Jotunheimen nasjonalpark - Dispensasjon - Motbakkeløpet Galdhøpiggen opp 2013 - Aktiv i Lom SA

Saksprotokoll i Nasjonalparkstyret for Jotunheimen og Utladalen - 26.06.2013

Vedtak

Med heimel i verneforskrifta for Jotunheimen nasjonalpark § 3, pkt 6.1 blir det gjeve løyve til å arrangere motbakkeløpet frå Spiterstulen og opp til Galdhøpiggen den 29. juni 2013.

Løyvet er gjeve på desse vilkåra:

- Deltakaravgrensing blir sett til 300.
- Arrangementet skal gjennomførast på ein dag, inklusive opprydding.
- Målområdet skal vera eit stykke nedanfor toppunktet på Galdhøpiggen, slik det var i frå starten i 2009.
- Merking skal avgrensast til det mest naudsynte.
- Traseen skal ryddast same dag som løpet blir gjennomført.
- Speakerteneste i målområdet mot toppen skal avgrensast til ein oppsummerande gjennomgang av resultatlista.

- Sko med metallpiggar er forbode (i tråd med arrangørens eige regelverk).
- Det er ikkje tillate med bruk av motorkjørety innafor verneområdet i samband med arrangementet.
- Deltakarane skal på førehand bli informert om at løpet går i eit verna område og kva reglar som gjeld i nasjonalparken.

Det skal sendast ein kortfatta rapport frå arrangementet til forvaltar innan 1. august 2013.

På bakgrunn av erfaringar med løpet frå starten i 2009 og til i dag, må det drøftast i forvaltningsplanen kva rammer ein ønskjer for denne type arrangement i nasjonalparken i framtida.

ST 27/2013 Jotunheimen nasjonalpark - Dispensasjon motorferdsel - Bruk av båt med større motor på Gjende under Besseggløpet - Vågå Røde Kors Hjelpekorps

Saksprotokoll i Nasjonalparkstyret for Jotunheimen og Utladalen - 26.06.2013

Vedtak

Med heimel i naturmangfaldlova § 48 får Vågå Røde Kors Hjelpekorps dispensasjon for å bruke eigen båt med 40 hk motor på Gjende i samband med bistand til arrangement av Besseggløpet 29. juni 2013. Tiltaket er vurdert etter verneforskrift, forvaltningsplan og naturmangfaldlova.

Det blir sett følgjande vilkår for løyvet:

- Løyvet gjeld for inntil 3 turar på strekninga mellom Gjendebrygga og Memurubu, for frakt av utstyr og personell for gjennomføring av Besseggløpet.
- Kjøringa skal skje omsynsfullt, slik at ein unngår skader eller ulemper i høve til naturmiljøet og andre brukarar av området.
- Farten skal tilpassast det som er normal båtbruk på vatnet med motorstorleik 10 hk.
- Henting av personar langs stranda mellom Memurubu og Gjende kan berre skje i den grad det er nødvendig av omsyn til helsetilstanden til personane dette gjeld, slik at det kjem inn under det generelle unntaket som følgjer av verneforskrifta § 3 pkt 5.1 om redningsteneste.
- Løyvet kan etter melding om behov til nasjonalparkforvaltar utvidast til utgangen av gjeldande dispensasjonsperiode for Besseggløpet (2012-2014).

ST 28/2013 Nasjonalparkstyret for Jotunheimen og Utladalen - Dispensasjon - 2013 - Etablering av basestasjon for nødnett på Galdhøe - Site Service AS

Saksprotokoll i Nasjonalparkstyret for Jotunheimen og Utladalen - 26.06.2013

Det vart lagt fram ny informasjon under møtet om at flytting av masta ikkje var radioteknisk mogleg, jf. e-post av 25.06.13 frå Site Service om at den ønskje lokaliseringa i framlegg frå formannskapet i Lom kommune ikkje gjev tilfredsstillande dekning.

Vedtak

Nasjonalparkstyret tek saka til etterretning.

ST 29/2013 Jotunheimen nasjonalpark - Brune skilt til nasjonalparken

Saksprotokoll i Nasjonalparkstyret for Jotunheimen og Utladalen - 26.06.2013

Vedtak

1. Nasjonalparkstyret for Jotunheimen og Utladalen viser til initiativ frå Rådet for Nasjonalparkkommunane og Nasjonalparkriket Reiseliv sitt forslag til skilting til nasjonalparkane i Gudbrandsdalen, og ber Statens Vegvesen om å gjennomføre tilsvarande skilting til Jotunheimen nasjonalpark.
2. Sekretariatet får i oppdrag å følgje opp saka overfor Statens vegvesen.